

八瓊室金石補正

八瓊室金石補正卷八

太倉陸增祥撰

男 繼輝校錄

吳興劉承幹覆校

蜀漢

建興甄文

搨本長六寸五分厚一寸  
八分篆書在仁和余氏

建興十三羊

以建興紀元者惟蜀後主有十三年也丁丑冬余  
子韓粥太史搨贈蓋其封公所藏者

侍中楊公闕

搨本高漢尺二尺三寸八分廣一尺七寸七分  
二行行四字字徑四五寸不等分書在梓潼

蜀故侍中牛公之闕

蜀侍中楊公闕見於牛運震金石圖云在梓潼縣隸  
體頗似漢人予謂是褚峻偽作蓋昭烈父子建號成  
都稱漢不稱蜀卽李氏據蜀前稱成後稱漢亦未以  
蜀爲國號唯唐末王建孟知祥始自稱蜀耳此闕既  
不似唐以後款式何得有蜀之名乎作僞心勞自露  
破綻不必論書法之工拙也

錢大昕十駕齋養新錄

右楊公闕隸書八字分二行牛氏金石圖云在梓潼  
縣北一里許大道旁東數十步西向高一丈六尺闊

四尺五寸厚三尺字徑三寸五分近人亦頗有疑此刻非真者然方網兩見搨本蜀字楊字頂皆微泐中字闕字之頂亦有橫泐文與牛氏所摹正同牛氏圖闕上作四層疊石之狀其下左右各一方此文在其右方而左方則空無字恐未必是偽造其疑之者過

也翁方綱兩漢金石記

漢楊氏有兩顯族震宏農之楊也雄蜀郡之楊也後漢書載伯起之裔四爲侍中楊之蜀郡而侍中者無聞焉鵬按此闕當在蜀漢時若在兩漢間則宜曰漢故侍中不宜曰蜀故侍中考蜀志楊氏入列傳者三

一楊儀建安中爲荊州刺史一楊洪爲蜀郡太守皆不在梓潼惟楊戲字文狀犍爲武陽人爲尙書右選部郎又爲治中從事遷中郎參軍領梓潼太守入爲射聲校尉志稱所在清約不煩此闕正在梓潼豈卽其人歟志言治中中郎未言侍中或曾爲侍中而略之耳隸書八字二行在闕之右其左尙有楷字數行不分眉目隱約有楊化濟楊化一等名疑後人題記者金石圖金石記皆未之見也

金石索

萃編不載此碑者未得搨本與疑其僞而置之均未可定錢先生謂不應稱蜀誠不可解然翁閣學

信之近劉燕庭輯三巴香古志亦載是闕竊疑不  
書漢而書蜀者蜀亡之後追表其墓始立是闕而  
系以蜀也然不可攷矣隸法與賈夜字闕相似又  
案馮氏疑爲楊戲之闕姑勿論其曾否爲侍中茫  
無可證凡誌銘碑碣統書其人最後之職與夫追  
贈之官楊戲以梓潼太守入爲射聲校尉則當以  
校尉題之卽謂未任校尉而卒於梓潼亦當以梓  
潼太守題之不應以曾爲侍中遂書侍中也魯峻  
馮緄孔彪諸碑之用前官別自有說未可執彼以

例此

魏

大將軍曹真殘碑并陰

高不計廣漢尺四尺一寸上下殘缺存二十行  
行字不等字徑一寸九分分書在陝西長安

關□之後陳氏有齊國當愍王時宋并

與□<sub>下</sub>為基長以清慎為限文以親仁

為巨仕以忠<sub>下</sub>關<sub>下</sub>昂騎夫日聞豫侍坐

公子將蘇同生使少長有<sub>下</sub>關<sub>下</sub>荒公使持

節鎮西將軍遂牧我州張挾張進□<sub>下</sub>關<sub>下</sub>

羌胡誰之妖遣公張羅設牢陷之圻网

生<sub>下</sub>關<sub>下</sub>一公不賊於是激公拜巨軍大將

軍擁

關下

嚴節裁如故

空下

蜀

諸

曹亮

稱兵

已邽

公拜大將軍

授

關下

蜀

諸

援於賊

公斬典

造意顯

有忠義

原典

關下

蜀

諸

日約立化

柔嘉

百姓恃戴

龍印陽

春殊

關下

蜀

諸

關下

關下

關下

關下

關下

關下

關下

關下

關下

關下

關下

賊於

關下

丁績家有

注記豈我

末臣所

賊

關下

關下

關下

關下

關下

備載

關下

夫如何

勿旌一

命而俯

宋

孔

關下

關下

關下

關下

之敬

關下

關下

關下

關下

關下

關下

關下

關下

關下

關下

寬

關下

啞焯羣

竄哀酸

賄贈之

贈

關下

關下

關下

關下

關下

真令趙

謙大尉

掾嚴武

雖州

關下

關下

關下

關下

關下

關下

關下

三十一

吳興劉氏



做鑽元石永後嗣關下 人為周輔東平

峨峨佗漢關下 毛秋誠牧我陝西威同

霜關下 季爰立碑佗頡萬載不關下

碑陰存題名兩列列三  
十行行字不等

定皇甫關下 忠

季奉東

翊山泰伯謀

季超

珍仲儉

元衡

集安定梁瑋稚十

郎北地梁幾彦章

隴西趙紉士蒲

女定皇甫馨李雅

尉北地謝述祖然

□代公時

□竺誼公達

□地傅均休平

騎都尉西鄉侯京北張績敬仲

司馬馮翊李翼國祐

司農丞北地傅信子思

空茂村北地傅芬蘭石

將軍司馬安定席觀仲庶

尉主簿中郎天水姜北元龜

□將軍馮翊李先彥進

督廣武亭兵南安龐孚凶奉

尉參戰事郎中京北韓汜德旂

領司金丞扶風章曷巨文

崩典虞令安定王嘉公惠

民京令京北趙審安偉

民臨濟令扶風士孫秋鄉伯

民郿令隴西李溫士恭

民朮平令安定皇甫肇多載

民中郎扶風士孫  
□□以上列

州民中郎  
扶風馬

州民中郎北地鄉  
普

州民中郎京兆郭允

州民中郎安定胡牧

州民中郎隴西辛纘

州民秦國長史馮翊

州民護羌侯史安定□

州民西郡長史安定郭□

州民下辨長天水趙□

州民廣至長安定胡□

州民脩武長京兆郭清

州民武安長京兆趙欽

州民王門長京兆宗恢

州民小平農都尉安定

州民曲沃農都尉京兆□

州民郎中扶風姜潛公隱

朔民郎中安定皇甫隆始  
朔民郎中馮翊王濟文雍  
朔民郎中京兆尹夏侯和  
朔民郎中天水尹輦柎轂  
朔民郎中安定胡廣宣禛  
朔民郎中安定楊宗初伯  
朔民王門侯京兆鄒靖多口  
朔民騎副督天水古成凱伯  
朔民雍朔部從事天水葉苗  
朔民雍朔部從事安定皇甫

州民雍州部從事安定渠頽□

州民雍州從事天水孫承季□

州民雍州從事京兆蕭儀公

州民雍州書佐安定卍

右大將軍曹真殘碑在西安出土僅存中段碑敘

真官爵可見者鎮西將軍上軍大將軍及大將軍

而已攷三國志曹真傳字子丹太祖族子太祖時

爲征蜀護軍文帝卽位以真爲鎮西將軍假節都

督雍涼州諸軍事錄前後功進封東鄉侯黃初三

年以真爲上軍大將軍都督中外諸軍事假節鉞

轉拜中軍大將軍加給事中明帝卽位進封邵陵  
侯遷大將軍四年遷大司馬賜劍履上殿入朝不  
趨碑與傳合惟拜中軍大將軍遷大司馬及先後  
封東鄉邵陵侯不見於碑或在闕處或所未載均  
不可知碑云遂牧我州又云牧我陝西而紀傳皆  
不言其爲雍州牧志之漏也傳云太祖哀真少孤  
養與諸子同使與文帝共止卽碑所謂侍坐公子  
將蘇同生也碑有張掖張進字其下已闕傳云張  
進等反於酒泉真遣費耀討破之斬進等卽其事  
也而文帝紀云酒泉黃華張掖張進等各執太守



以叛金城太守蘇則討進斬之華降則與傳及碑皆不符傳云諸葛亮圍祁山南安天水安定三郡反應亮帝遣真督諸軍軍郿遣郃擊亮將馬謖大破之紀云太和二年正月蜀大將諸葛亮寇邊天水南安安定三郡吏民叛應亮遣大將軍曹真都督關右並進兵右將軍張郃擊亮於街亭大破之此卽碑所述稱兵上邽之事傳云安定民楊條等略吏民保月支城真進軍圍之條謂其衆曰大將軍自來吾願早降耳遂自縛出三郡皆平碑所謂斬其造意原其脅闕者蓋卽指此碑云奮雷霆於

朱然核朱然傳然字義封魏道曹真等攻江陵中  
外斷絕城中兵堪戰者裁五千人真等起土山鑿  
池道立樓櫓臨城弓矢雨注將士皆失色然晏如  
而無恐意碑所稱當卽其事唯江陵之役圍攻六  
月不克而還則所謂奮雷霆者亦作者約略之詞  
耳又按述征記云曹真祠碑在北邙山刻石既精  
書亦甚工此於長安出土當別是一碑蓋真嘗有  
功於陝雍州吏民思其德而立碑以頌之也真卒  
於太和五年三月此碑之立當在其時碑以卽爲  
仰與韓勅孔宙孔羨諸碑同龕卽雷字從籀文而

變之寬卽寬字與衡方祝陸楊統諸碑同窻卽窻字與魯峻碑同□毛秋鉞以毛爲旄禹貢羽毛齒革史記夏本紀漢書地理志俱作旄國語晉語亦作旄孟子見羽旄之美文選注引作毛皆毛旄古通之證爰上一字殘缺尙見兩子蓋卽潺湲字也說文無湲字新附考疑當用洄得此碑則作爰爲有據矣潺當用屏朱氏說文通訓定聲云當用湔說文湔水也見潺字下水經注作潺然說文無湔字惜碑已殘缺 碑陰吏民五十餘人史俱無傳候二人一封西鄉一封廣武亭令五人典虞當卽

水衡之屬京屬河南尹濟屬青州樂國郡屬右扶  
風郡永平縣東漢無之當在涼州長史三人長五  
人下辨屬涼州武都郡廣至屬涼州敦煌郡脩武  
屬司隸河內郡武安屬冀州魏郡玉門屬涼州酒  
泉郡農都尉二人一曰小平一曰曲沃小平未詳  
有參戰事郎中一人有司金司農丞各一人餘多  
司馬中郎郎中從事之類衙姓一人漢有衙謹卿  
嘗爲長平令士孫二人漢有士孫瑞與王允同謀  
誅卓此其族裔歟

許州叢冢顛文四種

河間孔鑑冢記

高六寸廣四寸六分三行  
行字不一字徑寸餘分書

軍帥河間孔鑑

年廿二年四月六日

陽平尹尙冢記

高八寸六分廣四寸六分三行  
行字不一字徑寸餘分書

故將息陽平尹尙年廿二年七月六日亡

魏郡趙柱冢記

高七寸五分廣四寸二分三行  
行字不一字徑寸餘分書

醫魏郡趙柱年廿三年八月八日

上黨許緣冢記

高七寸五分廣四寸五分三行  
行字不一字徑寸許分書左行

上上黨許緣年廿七晉

右四甄藏陽湖呂氏帥卽帥醫疑是醫字許緣甄

末一字不可解疑是四月二字案北魏以後無以

陽平名郡縣者北魏無魏郡則在北魏以前可知  
趙氏補訪碑錄載許州甄五種惟濟陰陳祚冢中  
記有青龍二年字餘則二年四月九日二年六月  
廿一日二年八月九日八月三日俱有年月而無  
建元此四甄正與之同蓋叢冢也呂慎伯云道光  
丙午許州浚井得之時慎伯在州牧汪君甥館也  
有建元可攷者僅一耳

景元甄文三種

一長一尺二寸七分廣六寸五分四行  
一行八字字徑六分陽文分書方界格

魏景元元年奉使持節護烏丸校尉幽州刺史

史左將 犀安樂 鄒侯 清河張普先君出墓

一長廣同前二行行四字字徑一寸七八分陽文分書方界格

張使君兄墓同率造

一長存七寸八分廣六寸四分三行行存四字字徑一寸一分陽文分書方界格今藏子家

幽州刺史

張氏兄墓

□年造立

第一種僅得下載行存三字末行曼滅弟二種行首各少一字此據賀氏兩截本錄之弟三種未見全本葉東卿故物也

吳

赤烏甄文三種

一長存六寸五分寬五寸厚左側一寸  
右側一寸三分書反文在子家

赤烏七年

斷

甄出烏程文在左側封字下尙有不敗二字此已

斷缺

一長存六寸六分寬四寸  
三分厚一寸七分書

赤烏七年

造仁吳

家吉翔位全公碑

甄側作下一字泐餘斷缺拓本得之陽湖呂氏補  
訪碑錄載赤烏甄二種一二年三月一六年俱未  
之得 壬午春据陸剛甫千巖亭拓本補八字其  
碑與呂氏所藏同模也



一長存五寸六分寬五寸厚  
一寸八分分書在子家

赤烏七年

造佗吳家吉

翔位全公題

丁丑夏得於吳門或謂浙中鈕氏故物也 亦据

千巖亭補五字

太平甌文

廣六寸厚二寸二分分書

太平元年

吳侯官侯晉趙厥北燕馮跋梁敬帝隋林士宏宋  
李婆備遼聖宗均號太平以隸法審之當是吳物  
一端作魚形制作亦樸茂背紋未見

永安甄文

長存七寸一分厚一寸  
字徑四分篆書反文

永安二年十月

安作安漢人从宀从宀之字往往涸消永安吳景  
帝年號晉惠帝亦號永安七月而改建武元魏莊  
帝亦號永安而字體不似六朝蓋三國時物也搨  
本有松生手搨印章又有端谿何未子瑗玉號蓮  
盃過眼經藉金石書畫印記一章仁和趙氏藏有  
永安甄文曰永安二年許五字八分書見訪碑錄  
及兩浙金石志

九真太守谷朗碑

高漢尺四尺六寸五分廣三尺四寸八分十九行行  
二十四字字徑寸許額搨本高二尺一寸八分廣未  
全一行題吳故九真太守谷府君之碑十一字字  
徑一寸四五分並分書在湖南耒陽北杜公祠

府君諱朗字義先桂陽耒陽人豫章府君  
出曾孫公府君出孫郎中君出子也其先  
出自顓頊益為犇虞賜姓嬴氏至于靡子  
封於秦谷因而氏焉君承洪原出清沅稟  
弈世出高素履道思慎德行純備三歲喪  
母十一亡父獨與弟居承奉繼親和顏悅  
色孝友溫恭曾閔出操君其蹈焉弱冠仕

郡廕右職守陽安長湫問宣涿遂外王府  
除郎中尚書令史郡中正遷長沙劉陽令  
播渥惠以育物垂仁恩以布化莅政未期  
徵拜立忠都尉尚書郎靖密樞機名冠衆  
僚遷部廣州督軍校尉正身率下不畏彊  
禦沃清蕩濁萬里肅齊功成辭退拜五官  
郎中遷大中正平衡清格纛倫攸敘于肯  
交州竊之叛國戎車屢駕干戈未戢帝思  
俾乂訓咨羣司僉以君任部南州威恩素  
著遷九真太守君稟明德所歷垂勲宜延

遐紀光讚皇家如何不永春秋三十有四  
鳳皇元年四月乙未寢疾而卒嗚呼哀哉  
凡百君子莫不嗟痛乃立碑作頌以顯行  
績其詞曰

於鑠府君稟性元通積行閨闈九族睦靡  
羽儀上京德與雲騰入蹈丹墀夙夜靖恭  
出撫黎民風移俗興名鼎豹產勲齊往繼  
當永黃耆翼佐帝庸昊天不弔哲人其終  
濟濟縉紳靡瞻靡宗勒茲元石永光無窮  
右谷朗者事吳爲九真太守碑無書撰人名氏其序

云府君諱朗字義先桂陽耒陽人豫章府君之曾孫  
公府君之孫郎中君之子也其先出自顓頊益爲舜  
虞賜姓嬴氏至於靡子封於秦谷因而氏焉谷氏在  
吳不顯史傳無所見所謂豫章府君而下三世皆莫  
知其名字案秦本紀非子邑於秦而此與朗子永甯  
侯相碑皆爲靡子莫詳其義也

集古  
錄跋

吳谷朗碑隸書不著書撰人名氏朗字義先桂陽耒  
陽人仕至九真太守歸命侯鳳皇元年四月卒年三

十四碑在耒陽縣

集古  
錄目

右吳九真太守谷朗碑在湖南耒陽縣其文十八行

行二十四字隸書以慎爲順从心色爲色劉陽爲

陽御爲禦訓咨爲疇咨顯爲顯梨爲黎縱爲蹤蓋猶

沿漢碑之遺其字道勁亦有漢分隸法 是碑罕見

於著錄惟歐趙二書有之趙有目無跋歐陽公云碑

無書撰人名氏案秦本紀非子邑於秦而此與朗子

永甯侯相碑皆爲扉子莫詳其義也近日崑山葉九

來弈苞金石錄補題曰吳秦朗碑云按吳志建衡三

年陶潢破交阯禽殺晉所置守將九真日南皆還屬

朗必以是年守九真明年改元鳳皇而卒史不立傳

其三世皆仕吳爲牧守而志亦無攷也愚按葉氏引

吳志是矣但以爲秦朗者乃誤讀碑內賜姓嬴氏後封秦谷之句而致訛耳不特歐趙二書皆作谷朗爲可據而今所見搨本之末有興業鄉大義鄉嗣孫谷起鳳谷尙志諸姓名皆谷氏之後裔其爲谷朗愈無可疑矣

兩漢金石記

碑云公府君之孫公府君當是三公府之屬官他碑未見此稱朗弱冠歷右職守陽安長其守陽安長非授陽安長也故升王府除郎中尙書令史郡中正遷長沙劉陽令與調任之制異矣遷部廣州督軍校尉吳志黃武五年分交州置廣州俄復舊永安五年復



置廣州此爲廣州督軍校尉當在永安以後碑云獨

與弟居翁氏釋居作展誤

平津讀碑記

右九真太守谷朗碑首見歐公集古錄跋趙氏金石錄有目而無跋耒陽漢縣屬桂陽郡攷鳳皇元年乃歸命侯孫皓在位之九年也九真太守置自漢武帝元鼎六年後漢隸交州刺史部吳仍之碑云于豈交州竊邑叛國戎車婁駕干戈未戢帝思俾乂訓咨羣司僉以君任部南州威恩素著遷九真太守攷吳志孫亮永安六年五月交阯郡吏呂興等反殺太守孫請遣使如魏請太守及兵七年分交州置廣州孫皓

元興元年魏置交阯太守之郡寶鼎元年遣交阯刺史劉俊前部督修則等人擊交阯爲晉將毛炅等所破皆死兵散還合浦建衡元年十一月遣監軍虞汜等就合浦擊交阯三年禽殺晉所置守將九真日南皆還屬朗爲九真太守當在是時卽鳳皇元年之前一年也碑敘其先出自顓頊益爲舜虞賜姓嬴氏與史記秦本紀略同惟云扉子封於秦谷因而氏焉本紀並無其文攷漢書地理志非子爲周孝王養馬汧渭之間孝王曰昔伯益知禽獸子孫不絕迺封爲附庸邑之於秦今隴西秦亭秦谷是也又鄭康成毛詩

譜與地理志略同皆不云以谷爲氏惟秦本紀云大  
費生子二人一曰太廉實鳥谷氏一曰若木實費氏  
蓋或卽鳥谷氏之後按秦本紀太廉尙在非子之前  
與碑亦不合而漢書谷永傳言長安人碑又未及其  
人益爲舜虞見虞書而漢書古今人表地理志及列  
子皆作伯益秦本紀毛詩譜皆作柏翳小司馬索隱  
作伯翳云尙書謂之伯益伯柏古字通翳益聲之轉  
耳扉子班馬二史並作非子惟路史後紀注與碑同  
扉從非得聲古書可通用也劉陽今作瀏陽攷吳分  
臨湘縣置瀏陽三國志潘潛傳及晉書地理志俱與

碑同可知水旁爲後人所加疇咨之疇作訓攷說文引虞書作鬻而言部有訓字訓講也漢魏元丕碑劉寔碑鄭烈碑俱用此字碑銘詞有云名梟豹產者豹謂西門豹產謂鄭子產也漢人習用此語劉寬碑云

□踰產豹魯峻碑云比蹤豹產與此意同梟字說文訓鳥羣鳴也从品在木上後人又加口旁作噪非是碑以往縱爲往蹤與夏承郭仲奇趙固合魯峻高彪諸碑同攷說文無蹤字古人皆用縱也又流作涪見公羊傳黎作梨屢見漢碑皆隸變通用字此碑文詞古雅隸體端勁有法去東京未遠尙多漢人遺意當

與漢碑同爲墨林寶藏自歐公以來諸家罕有攷跋  
予曩於外舅潛研堂見舊搨本手錄其文內有數字  
殘缺比來湘南徧託友朋訪搨未獲昨徐星伯學使  
按試衡郡回以副本見詒重爲校錄一過并題其後  
以識之 又按碑舊在縣東五里又五里爲谷府君  
祠卽祀朗者今在縣北杜工部祠內不知何人所移  
碑文凡十八行行二十四字八分書張應星縣志載  
其文脫譌甚多賴碑尙在可據以補正之又攷通志  
略秦氏注云蜚廉生二子一曰惡來其後爲秦二曰  
季勝其後爲趙惡來之後五世曰非子初封於秦谷

爲秦氏秦谷故隴西秦亭是也後徙封平陽復遷岐  
豐之間又遷於犬邱又遷於雍及櫟陽咸陽皆本於  
秦谷故號秦焉鄭漁仲所述大略本之漢書地理志  
但以秦谷爲秦氏得姓之始而不知谷氏亦出於此  
廣韻一書於姓氏郡望載之最詳獨於谷下亦未及  
此此可據以補氏族書之遺者也 又案谷朗碑僻  
在楚南下邑搨本頗難得予在長沙先承學使徐星  
伯太史見惠嗣修通志撰金石志二十卷據以錄入  
逮志書刊成復有友人搨一本以相餉始見有額一  
行直書吳故九真太守谷府君之碑十一字亦隸書

與碑文字體大小相同其式近似漢碑第不作篆書大字耳乃知趙德甫金石錄目稱此碑爲吳九真太守谷府君碑者據其題額書之也碑銘文末下有小正書約五行文皆漫滅僅存數字可見恐是近代人筆或記其遷碑始末耳

古泉山館  
金石文編

碑經後人所刻精采殊損惟額字尙仍其舊比較之顯然也錢氏所藏殘缺數字今搨本僅一齊字不可辨集古錄目云年三十四今搨本頗似五字出自顛頊之出非證以集古錄跋幾誤讀爲世羽儀上京之京下加一几幾與意字相混皆刻鑿之

明證也湖南通志載此文三十作五十閩闕作閩  
闕往縱作往蹤均誤續修者當據石正之 谷朗  
之名見於廣西通志云耒陽人事繼母以孝聞建  
武中仕至大中大夫值交阯叛遣朗征之經番禺  
牂牁威聲大著事平遷九真太守案碑有承奉繼  
親和顏悅色等語與志言以孝聞者合建武蓋建  
衡之誤大中大夫蓋大中正之誤時代迥別官位  
亦異上下相距且二百四十年方志之書錯謬若  
是非得此碑何由刊誤纂志乘者可不廣搜金石  
耶 嗣見兩漢金石記云碑上方有後人所刻重



修字然或碑是重立耳非重修碑刻也因復檢搨  
本審之重修二字在十四十五行之上僅一重字  
可辨於以知前言之不謬而嘆前此審視之莽矣  
翁氏謂非重修碑刻者未見碑額耳翁又云未有  
興業鄉大義鄉嗣孫谷起鳳谷尙志諸姓名復合  
先後所得五搨本審之漫滅始盡惟稍舊之一本  
尙見谷起二字又一谷字一達字不相連屬餘無  
可辨非親至碑下洗濯而諦視之不得其全矣至  
瞿氏謂五行者約略之詞碑末餘地不足相容也  
翁氏所載獨與弟居居作展功成辭退辭作辭三

十有四三作五名梟豹產梟作梟均誤餘則點畫  
微差耳 公府君者公或是爵洪氏以爲三公府  
屬官恐未必然陽安長當是亭長東漢隸豫州汝  
南郡

施氏甄文

長九寸六分廣五寸厚  
一寸二分分書藏于家

鳳皇三奉施氏作隴

在側

同音

在上端

右施氏甄合三由乃得全文下端亦有二字不可

識甄出湖州

夫紀甄文二種

廣七寸三分  
厚二寸分書

天紀二羊

廣七寸六分厚  
二寸六分分書

天紀三羊

明年四月吳亡矣

八瓊室金石補正卷八終

入瓊室金石補正卷九

太倉陸增祥撰

男 繼輝校錄

吳興劉承幹覆校

晉

南鄉太守郭休碑并陰

高七尺廣二尺八寸十九行行四十五字又年月一行字徑八分分書篆額題善故明威將軍南鄉太守郭府君侯之碑十六字在掖縣宋氏

君諱休字公彥東萊曲成人也其先出自黃軒后稷之裔  
□□之□有務□者以德建國命氏爲郭□□務□  
平□顯緒歷載綿邈逮君之身含海岱之英靈纂□祖

之洪流偉□□□□聰達地于自然孝友著乎□日  
仁□立於當時夫其抗節亮直□□弘毅岳峙淵渟威  
而不猛仁愛足叭□□格足叭正世初志羣藝遊心  
博□□□□令聞宣布□其天材□爲事□方舟季  
之多略剋張趙之逸蹤弱冠□□上計□州辟部郎治  
中別□□□□克昭茂績察孝秀才竝叭不就再辟  
公府爲相國掾實隆鼎棟光輔和味□□巴蜀未賓□  
□王路厄我周行□賢精帥朝推其能命君爲使持節  
征蜀將軍司馬遂遷鄴督軍糧治書侍御史□□□  
三公所在典司郎□□□□君明□多□達于治體

損益時務闔塞世教讜言嘉謨屢抗其謀清商邁於□  
□□□於冀野朝廷□□□子□騎都尉□□□  
州□宣惠□□素樸□四術正雅俗□五□吹訓民  
明□□□□□晨風於北林繫白駒於空谷□公□  
之處鄭文翁之在蜀也於是政行化成上下交和□□  
□□□作□□□□劇劉已東之□□□君乃震  
威龍驤虎奮□□□斬將攀旗積尸如京封豕遠遁  
三巴用康天府簡勲□□于臺加明威將軍賜子男爵  
□□侯又遷江夏太守旌蓋未□迪臨我邦追妣文之  
遺風匡二南以誕化崇爲政□吹德帥大禮則興讓故

能期月績□宣□仁恩馳於區域重□於遐荒□禹  
稷之勲□信臣之惠蹤□吹□稼穡吹豐  
國吳□陽□神□順風□七  
千摧犬羊三萬陸抗奔北於南□績輿尸於□  
元功是揚率土稱慶江□甯方將六字崇□翼亮  
天顯致皇□乎隆□於□旻天不惠降年□  
永春秋六十有三泰始五年八□庚辰薨于位天子閔  
悼羣□者弔祠□故吏□謝旅等追慕遺  
化永□僉吹爲先民卽世□器勒勲歿而不朽賴  
以斯文乃相與刊石立銘□俾□有旣矚

仰其辭曰

皇皇太極芒芒建元含英吐□  
篤生□□  
矣君侯鎮  
此□□  
海□□  
品藻如春內宏九德六行外宣應期  
作□  
命世立言龍蹠鴻漸□□  
異三□□  
光□  
辰賦政于□□  
暢□□□  
平顯至教入神將登紫庭  
皇極是銓遭命□□□□  
淪爰勒金石永昭後昆

秦始六年正月丙午造

碑陰

下截未拓上列廿五行行十字九字下  
列十五行行字不一字徑寸許分書

故東南鄉□□字子明 □主順陽王□字宣□



故吏南鄉謝旅字長□

義民順陽郭貞字仕良

故吏陰張述字□國

義民順陽呂崇字脩文

故吏順陽郭伏字封宏

義民武當文定字長淵

故吏筑陽梁習字代伯

故吏陰張友字景仲

故吏順陽郭瑜字世元

故吏筑陽郟承字獻之

司馬順陽黃根字巨原

故吏南鄉馮和字建龍

義武猛掾武當華吳

故吏武當陳襲字偉祖

故吏順陽宋柳字建之

故吏順陽楊晞字子顏

故吏武當李他字文子

故吏陰張觀字伯之

故吏鄴董寶字子玉

郡領縣八戶萬七千

故吏南鄉鄭岱字永先

百廿

故吏順陽張造字長周

藏散吏三百廿人

故吏順陽黃成字季仕

兵三千人

故吏順陽黃謙字欽第

騎三百匹

故吏順陽馮禮字芝齊

參戰二人

故吏武當楊輿字元封

騎督一人

故吏武當張建字仕烈

部曲督八人

故吏丹水李真字長恭

部曲將卅四人

故吏順陽王華字道英

故吏鄴張獲字長護

右南鄉太守郭休碑并陰乙亥五月汪硯山鑿寄

貽云在掖縣宋氏家姓譜諸書不載郭氏據碑則  
爲務□之後以國爲氏與務氏同源可補姓氏書  
之闕務郭同音易注孚猶務躁也務郭猶郭郭也  
務下所缺疑是成字休爲東萊曲成人官至南鄉  
太守曲成晉書作曲城屬東萊國兩漢書作曲成

成城古通晉書地理志建安十三年魏武盡得荆  
州之地分南陽西界立南鄉郡又云南陽襄陽南  
鄉三郡爲魏又云南陽江夏襄陽南鄉魏興新城  
上庸七郡屬魏之荊州及武帝平吳改南鄉爲順  
陽郡平吳在太康初年順陽郡置於太康中年郭  
休領郡尙在未改之前故稱南鄉因魏郡舊名也  
郡領縣八見於碑陰者七其一則爲析縣戶萬七  
千百卅晉書地理志順陽郡戶二萬一百是十餘  
年來戶口增至三千晉書職官志郡萬戶以上職  
吏六十九人散吏三十九人縣戶不滿三百以下

職吏十八人散吏四人三百以上職吏二十八人  
散吏六人五百以上職吏四十人散吏八人千以  
上職吏五十三人散吏十二人千五百以上職吏  
六十八人散吏一十八人三千以上職吏八十八  
人散吏二十六人此云職散吏三百廿人蓋統一  
郡入縣計之兵騎以下史所不詳據此碑可得其  
大略官志所載部從事諸職碑皆不及惟武猛掾  
見於列衛武猛掾卽武猛從事也立此碑者或皆  
將佐之類故於文職不書歟額稱郭府君侯當是  
封爵碑文男爵下見一侯字進爵爲侯也碑立於

六年正月丙午攷通鑑目錄是年二月丙辰朔丙  
午前丙辰十日非廿一卽二十日補訪碑錄作二  
月二月不得有丙午趙氏蓋誤姬作姪穡作畫見  
於漢碑者甚多碑陽皸裂錯紋交午初讀之幾難  
句讀竭三日之目力心思乃辨識此六百餘字郭  
君事蹟始無闕遺不敢謂一字無譌舛要亦什得  
八九錢潛研云嗜古者審核爲尤難祥於此益惴  
惴焉

任城太守羊夫人孫氏碑

秦始八年十二月十五日  
萃編載卷廿五作秦始六年

又以加焉

脫焉  
字

文帝詔報之

缺報  
字

碑末云□□八年□月庚寅□十二月甲申□八年  
上當是泰始二字庚寅下當是薨字十二月甲申是  
其嗣子立碑之日錢辛楣少詹謂碑有庚寅十二月  
甲申以干支求之當是泰始六年不知碑作八字甚  
分明庚寅上有月字是紀日非紀年錢氏說誤

記

平津讀碑

碑不見紀元惟八年□月庚寅□十二月甲申字  
可見著錄家皆以爲泰始六年案庚寅上有月字  
則非太歲之次可知碑文八字甚分明武授堂謂  
六字殘其上者強爲之說也通鑑目錄泰始六年

十一月壬午朔則十二月朔非壬子卽辛亥是月  
不得有甲申日□月庚寅爲卒日十二月甲申爲  
葬日混而爲一終不得當耳朱文藻云泰始八年  
十二月庚午朔十五日爲甲申碑當是泰始八年  
斯爲精覈矣晉書武帝紀是年十月辛未朔中有  
一小盡十二月適值庚午朔與史亦合實曰□姬  
姬上似是列字麟趾作止猶見古字

太康甄文九種

一長一尺六分厚一寸四分  
分書反文在陽湖呂氏

太康二年太歲在□



又長五寸四分上廣三寸五分下  
廣四寸六分厚一寸五分分書

大康四年鄆楊□□□造

□ 隗留 反文

又長存五寸許廣五寸厚  
寸五分正書藏子家

太康五

五字半泐乙亥五月婦弟徐星甫  
蔭溥自襄陽寄

貽襄陽民舍牆壁間率多古甄而有文字者甚少

有建元年月者尤罕觀

又長一尺一寸四分寬四寸二  
分厚一寸二分正書藏子家

大康八年六月尹氏作

甲戌夏長沙出土甄已酥脫拓不得全顯就甄審

錄之於桐軒

學琴

施礪卿

在甞

皆有是甄取以互

證乃得全文下端有夔飾

又

長一尺七分厚一寸七分  
分書反文在丹徒於氏

大康八季楊氏造

又

長九寸廣五寸厚一寸二分兩側  
皆有題字一顛一倒分書藏于家

大康八年八月三日胡明坐

泰歲戊申□七□五日鳳作

此卽補訪碑錄所載鳳作甄也呂慎伯

懋恆

所贈

趙搗叔僅見一側故所錄未全泰歲戊申乃大康

九年蓋用舊模爲之前已有太康字故此處但書  
戊申不書紀元古人文不複沓卽此可見呂氏所  
藏永初甄側有延平元年字趙氏所藏咸平甄側  
有升平五年四月字皆用舊模改製者余近獲元  
嘉廿年甄其一側題太歲辛未字與此正相類泰  
太一字太歲作泰僅見於此明堂者墓之別稱如  
元堂之類禮記檀弓明器神明之也郊特牲明酌  
也注云明者神明之也釋名送死曰明器神明之  
器異於人也淮南兵略篇設明衣注云明衣喪衣  
也在於闇冥故曰明墓稱明堂與明器明衣正同

言堂者寬平之義卽詩有紀有堂之堂兩面席紋似赤烏甄背紋中列大泉五十二枚一己平曼

又長八寸四分厚一寸一分強分書反文在陽湖呂氏

大康九年八月□

又長一尺七分廣五寸二分厚一寸二分分書在陽湖呂氏

大康九年湯□作

上下各作直線上九下七湯下題字不可識甄紋與赤烏甄相似字在席紋之中

又長存四寸三分厚一寸二分分書在陽湖呂氏

大康九年大歲

齊太公呂望表

太康十年三月十九日 萃編載卷廿五

□失其□

天失誤

受命吳

缺吳字

發冢

而得

脫

一字据金

服

元禮

曰

唯爲

望

以

得見也

望

卒參

考

以上皆据

金石錄補

言名計借鑄□勒表

缺言鑄表三字

上帝既命

缺既字

無隕茲令

子缺隕

碑經斷裂卧弃府廡汲縣訓導李元滬請置學宮用  
備金石家搜錄時嘉慶四年秋月也馮敏并鑄

震按今郡城西北三里太公祠有魏武定八年碑列  
此表於前茲其初刻也尤宜寶惜因從季父移置學

署清嘉慶四年八月朔密邑李震跋

以上二條刊碑尾

石晉太公碑其略云太公望者至八十六歲今以晉書武帝紀考之云咸甯五年汲郡人不準掘魏襄王冢得竹簡小篆古書十餘萬言藏於祕府與此碑年月不同碑當時所立又荀勗校穆天子傳其敘亦云太康二年與碑合可以正晉史之誤其曰小篆書亦謬也且其書既在秦坑儒八十六歲之前是時安得有小篆乎碑又云其周志曰至以爲卿士而史記太公世家曰西伯將出獵卜之云云於是西伯獵果遇太公於渭之陽與語大說曰自吾太公望子久矣故號之曰太公望載與俱歸二說殊不合而王逸注楚

詞亦載文王夢太公事與碑所書略同方逸爲注時

此書未出逸必別有所據又云其紀年曰至一十餘

歲而史記亦不載按前世所傳汲冢諸書獨有紀年

穆天子傳師春等不載所謂周志者不知爲何書而

杜預左氏傳後序云汲冢書凡七十五卷皆藏祕府

預親見之以此知不特十餘萬言史之所記蓋不能

盡其亡逸見於今者絕少也太公碑汲縣令盧無忌

立後題太康十年三月云

金石錄

右太公呂望表晉太康中汲令盧無忌所立石已斷

裂每行厯存十一二字无忌名與題識年月皆不可

得見矣予初意此碑不當在汲縣城疑卽東魏碑裝  
潢者析而爲二後見范氏天一閣有此碑始知其石  
尙存深悔向時持論之失頃黃小松郡丞以搨本見  
詒讀之又知表後有韻語六行爲魏碑所未錄磻谿  
之磻作般亦勝於魏碑碑陰題名曼患已甚尙有功  
曹主簿等字可辨字畫頗古雅不似東魏之率易然  
以魏碑校其文存者雖無甚異同而以所闕字數驗  
之頗有多寡不合且既錄其文何又去其韻語或好  
事者假託爲之未可知也劉青藜亦以此碑爲後人

重刻

潛研堂  
跋尾



右太公呂望表在汲縣太公廟凡廿行行卅字有直  
行界線中段已有斷痕碑云太康二年至八十六歲  
荀勗穆天子傳序所得紀年蓋魏成王子今王之冢  
自今王二十一年至秦始皇燔書之歲八十六年蓋  
壽百一十餘歲史記齊太公世家亦云太公之卒百  
有餘年其所述皆與此碑同

平津讀  
碑記

據碑尾跋語碑在汲縣學宮王氏洪氏俱以爲在  
太公廟中州金石攷謂在太公泉殆據水經注言  
之特不知碑於何時移城何時斷裂以致卧弃府  
廡也碑無標題王氏以額字當之與全書體例不

合然書中如此者甚多

元康甄文十二種

一長存八寸七分厚一寸七分書反文

元康二年七月廿日番□

一長存四寸八分厚一寸二分書存陽湖呂氏

元康二年十二月

一長一尺七分廣四寸八分厚一寸六分書反文

元康四年七月廿日楊欽作

一長一尺五分厚一寸四分書在陽湖呂氏

元康五年八月諫議□□□造作

一 廣四寸八分厚一寸四分  
字在甄端在陽湖呂氏

元康五年八月□

末一字似作

一 長存六寸七分  
厚一寸分書

元康七年歲在丁巳作

甄端有三錢形漢宣帝晉惠帝皆號元康宣帝僅  
四年而改神爵仁和趙氏藏元康七年博二種一  
爲元康七年七月一爲元康七年太歲在丁巳十  
月十日均與此異

一 長一尺四分廣五寸二  
分厚一寸五分分書

晉元康七年八月丁丑□

丁丑是月朔通鑑目錄是年七丁未九丙午故知之

一長存三寸三分厚一寸  
二分分書在陽湖呂氏

元康八年七月□

陽湖孫氏嘗於定遠旅店得元康八年甄又補訪碑錄載呂氏所藏黃平甄亦系元康八年皆不言七月非卽此種

一長存四寸六分厚一寸二分  
分分書舊藏嘉定錢氏

元康八年七月

一字界一橫線元月二字各損其半甄端作人面形

一廣三寸五分厚一寸三分字  
在甄端分書在陽湖呂氏

元康八年八月□

一廣五寸三分左右厚薄  
不整字在甄端分書

元康八年八月廿八日丁卯

通鑑目錄是年月朔七辛未九庚午此云八月廿八日丁卯正合蓋七月小盡八月庚子朔也

一長存六寸六分厚一寸  
二分字徑寸許正書

元康八年歲在戊午

錢十蘭先生得自關中今佚矣桐城吳氏嘗得傅  
家甄系元康八年戊午八月十日十字未見拓本  
驃騎將軍韓壽墓碣

高一尺五寸寬一尺四行行五字分

書左右兩行半缺在洛陽存古閣

故散騎常

侍驃騎將軍南陽堵陽韓府君墓神道

右驃騎將軍韓府君神道闕在洛陽近年始出於古  
井中兩旁字半泐第一字不可辨晉書地理志堵陽  
縣屬南陽國魏赭陽屬建城郡訪碑錄列於晉末今  
從之

平津讀  
碑記

右韓壽墓碣道光廿餘年間馬恕宰洛陽搜集古

刻得石六十八種就東門外千祥寺隙地建屋三楹置之名曰存古閣并爲文以記其事閣中所列此爲最古焉馬氏定爲韓壽碣按韓壽於賈后被廢時伏誅見惠賈皇后傳賈后被廢事在永康元年是時未必立碣其在永甯元年惠帝反正之時邪

是氏甄文

長一尺一寸七分廣五寸七分  
分厚一寸四分正書反文

永甯二年太歲在壬戌七月廿日立功君姓是

甄分兩截截各九字中間一泉四出兩端同之是

年十一月改元太安甄造於七月正合

太安甄文

長五寸二分厚一寸七分  
字徑一寸二分書

太安二年

此亦晉博也文曰太安二年乙未九月製爲硯

錢繹議

舊藏嘉定錢氏已燬於兵火矣晉惠帝北魏文成  
帝前秦苻丕後涼呂光皆號太安外從祖小廬先  
生定爲晉物

建武甄文

長四寸六分厚一寸  
五分字徑一寸許分書



建武元年九月左

漢光武晉惠帝元帝成都王穎後趙石虎前燕慕容忠齊明帝北魏北海王顥皆號建武此乃晉人所爲必託之東漢則誣矣是年十二月改元永興

永安甄文

長存七寸厚一寸五分分書反文

永安二年歲在乙丑八月

按晉惠帝永安元年歲次甲子二年正直乙丑惟元年七月改建武十一月復永安十二月又改永興至乙丑八月尙書永安殊不可解至吳景帝永

安二年己卯北魏莊帝永安二年己酉北涼沮渠  
蒙遜永安二年壬寅更不相符

永興甄文四種

一長存五寸四分厚一寸一  
分強分書在陽湖呂氏

永興元年太歲甲

按是年甲子十二月改元永興造甄當在十二月  
也漢桓帝永興元年癸己北魏明元帝永興元年  
己酉苻堅永興元年丁己冉閔永興元年庚戌皆  
不直甲

一長七寸厚一寸五分  
分字徑一寸分書

永興二年正月造

此甄頗似漢物茲列於晉

一長五寸七分厚一寸  
六分字徑一寸分書

永興二年太歲

永字半缺以筆勢審之殆晉人所造

一長存七寸六分厚一寸四分  
分強分書在陽湖呂氏

永興三年八月□

永嘉甄文廿一種

一長一尺厚一寸五分正書

永加元年七月五日立功

嘉作加與趙晉齋所得永加六年甄同

一長一尺一分廣四寸七分厚一寸五分分書

永嘉元年八月十日立功

嘉作嘉異文元字反書

一長一尺七分厚一寸六分正書

永嘉五年歲在辛未辟除不祥

辟作辟拓本二種一本上四字不甚明顯尙可辨

識

一長一尺厚一寸一分分書

永嘉五年陳仲所造

仲作仲拓本共三種剝泐處小異

一長一尺厚一寸七分書

永嘉五年辛未子孫昌皆侯王

一長一尺一寸一分寬五寸五分右  
厚一寸一分左厚一寸六分書

永嘉五年在甄子孫千億皆壽萬年在右 陳仁在左

側

此甄凡九種嘉慶七年番禺蔡長青得於廣州聚龍

岡者三十餘由余近得七種道光庚戌冬記東卿右刻

在甄背

甄藏長沙勞氏皆年二字微缺億仁二字皆从彳

旁東卿名志詵漢陽人生平收弄金石甲於一時  
近已散佚淨盡難聚易散可慨已

一長廣厚薄字  
大小俱同前

永嘉五年

在甄端

陳仁

在側

疑拓本遺失一紙其一側是否與前甄相同不可  
知矣

一長存五寸二分厚一寸  
五分分書在陽湖呂氏

永加六年七

一廣四寸六分厚一寸三分字  
在甄端分書在陽湖呂氏

永加六年八月一日王氏

一長存五寸六分厚一寸四分分書在陽湖呂氏

永嘉六年

一長一尺一寸一分厚一寸五分分書

永嘉六年壬申宜子保

一長一尺二寸厚一寸七分分書

永嘉六年壬申宜子保孫

在右側 陳 在左側

文字與前甄同題字分兩截以界線五重間之前

甄上下各五字此甄上截六字下截四字爲不同

也黃小松司馬嘗得保子宜孫甄文曰光和六年

保子宜孫此蓋襲漢人語而微變之此甄拓本共

得九種文字皆同而剝泐處各異茲錄其二 乙  
亥夏余亦得一凶孫字已缺輒經烈火焦黑者半  
赤坼者半葉氏故物也左側有陳字知前所見者  
未全

一長一尺五分厚  
一寸七分分書

嘉六年壬申富且壽考

嘉上所缺是永字漢之鴻嘉陽嘉永嘉元嘉前趙  
劉聰麟嘉宋劉子助義嘉梁劉蠡升神嘉陳天嘉  
皆無六年宋文帝元嘉及後涼呂光麟嘉六年皆  
不直壬申蓋晉懷帝時物也



一長一尺一寸七分  
厚一寸八分書

永嘉六年壬申永保子孫

拓本二種一缺下三字一缺上三字

一長一尺一寸厚  
一寸六分書

永嘉六年壬申宜公侯王

一長一尺一寸三分  
厚一寸七分書

永嘉六年宜公侯壽百年

拓本五種文字完好者一本

一長一尺一寸厚  
一寸七分書

永嘉六年壬

公

申永保萬年

在甄側

陳悟

在下端

甄字分兩截上下各五字中作界線平列公侯二字以間之制作奇異拓本有五種一陳悟二字左行餘皆右行

一長一尺一寸三分  
厚一寸六分書

永嘉六年壬申子孫百年

壬作舌拓本有十五種文字皆同剝泐微異耳南  
滙沈氏藏子孫百年甄亦永嘉六年所造見補訪  
碑錄不言有壬申字未知卽此否

一長一尺一寸五分  
厚一寸六分書

永嘉六年方□□作

一長一尺二分  
厚九分分書

永嘉七年癸酉君子壽考

此甄拓本得十三種長短微有參差文字亦或剝泐錄其完好者足矣永嘉無七年是年四月愍帝卽位改元建興造甄在四月前也

一長一尺四分  
厚九分分書

永嘉七年癸酉子孫君侯

建興甄文九種

一長一尺二寸  
厚九分分書

建興二年甲戌皆封□□

建興二年甲戌皆□侯位

補訪碑錄載南匯沈氏所藏皆封侯位甄注云建興二年甲戌此卽是也蜀後主吳侯官侯晉愍帝前涼張元靚後燕慕容垂後蜀李雄皆有建興年號以干支核之知爲晉人所造

一長存六寸三分廣五寸五分厚一寸五分書反文

建興二年 太歲在甲戌

一長一尺一寸三分厚一寸四分書

建興三年太歲乙亥

仁和趙氏藏有建興三年甄有八月字無太歲四

字非卽此種

一長五寸三分厚一寸四分  
分正書在陽湖呂氏

建興三年

一長五寸廣存三寸八分厚  
一寸三分書藏子家

鄧一建興三丰

上作一泉形四出鄧字右旁反書間一橫線下題

記年丁丑夏得於吳門

一長存六寸五分厚一寸四分  
分正書反文在陽湖呂氏

建興三年七月

一長一尺九分厚一寸一分  
分正書在陽湖呂氏

建興四年八月十五日鄮周行思明堂造作

一長一尺七分厚  
一寸四分分書

建興四年太歲在丙子八月廿一日作

作字反書

一長存五寸一分厚一寸  
三分正書在陽湖呂氏

鄮 建興□年

甄分兩截中以一線界之上截只一鄮字上作一  
泉郭內四出下截四字

太興甄文二種

一存長六寸七分厚一寸五分  
分字徑一寸一分分書

大興四隼八月

下缺

一長存四寸五分厚一  
寸六分分書蘇子家

大興四隼拓

丁丑夏得於吳門年字引筆特長旁題紀年左辛  
右己己下一字泐蓋東晉元帝之五年也其一側  
作直線六柱下作方勝

魯豐甄文

長一尺九寸厚一寸三分字  
大小不一正書在  
新城楊氏

太甯三年八月□日魯豐□

甄在永州出土不詳時地楊海琴前輩得之末一

字不可辨識攷晉明帝北齊武成帝均以太甯紀  
元武成只二年永州亦非高齊所有其爲晉甄無  
疑至後趙石虎亦號太甯尤可決其非

咸和甄文三種

一長存五寸二分厚一寸  
二分字徑一寸分書

咸和二年歲在丁亥□

右甄元所藏文曰咸和二年歲在丁亥□凡九字案  
東晉成帝以丙戌卽位二年是丁亥也何氏元錫得  
此甄於臨安山中以贈予因琢爲研其質堅剛若鐵  
故能歷久如新隸體亦古勁可愛

兩浙金石志



末一字似建舊藏揚州阮氏今亡矣南滙沈氏亦有咸和二年甄無歲在字

一長五寸四分厚一寸  
六分字徑寸許分書

咸和四年

訪碑錄載義臺甄文云咸和四年句容張氏藏不審卽此種否秀水錢氏所藏咸和四年甄下有八

月字

一長一尺一寸厚一寸五分分書反文

咸和四年太歲在己丑五月十一日命□

咸康甄文二種

長一尺六分厚一寸二分  
分書反文在陽湖呂氏

咸康二年□歲在申

一長一尺二分厚一寸四分  
強分書反文在陽湖呂氏

咸康三年八月廿日所建

字間一線制作工致

建元甄文四種

一長一尺二分厚一寸五分字  
徑九分正書首二字反文

建元二年八月四日張氏

首字殘缺要爲建字無疑漢武帝晉康帝齊高祖  
前趙劉聰前秦苻堅皆以建元紀年此爲晉刻

一長五寸六分厚一寸  
六分字徑一寸分書

建元二年八

隸法縱恣頗似漢人茲列於晉以其與後甄相肖也

一長五寸四分厚二寸一分  
字徑一寸七分分書反文

建元甲□

晉康帝二年甲辰此甄甲下辰字僅存一二筆矣  
漢武帝四年亦直甲辰不欲高語西漢也

一廣五寸五分厚  
一寸五分分書

建元二年季□□

永和顛文十七種

一長一尺七分厚一寸五分正書反文

□和二年七月二日毛氏造

首字殘缺審之似永拓本有松生所得金石松生手拓及端溪何瑗玉圖章兩浙金石志載泰和顛文曰泰和四年七月毛氏作皆反書此本係二年且多二日兩字非卽趙氏所得於皋亭山中者

一長一尺四分廣五寸厚一寸五分正書藏子家

永和二年

上中下各一泉幕郭內四出中作兩方勝題字在

勝兩端界線之中乙亥出土

一長一尺厚一寸六分  
分書反文在陽湖呂氏

永和三年八月李作太歲在未

是年丁未

一長存三寸五分廣三寸二分  
厚一寸二分書藏于家

永和二年

丁丑夏得於吳門文多剝落年上似三字背作席

紋極精上端橫列三泉文不可辨

一長一尺四分厚  
一寸五分書

永和四年八月

一長存四寸四分寬四寸二分  
厚一寸九分分書藏子家

永和四年

同治九年冬在長沙對岸出土琢爲研堅緻異常  
惜下截斷缺矣同時所出有題長壽字者有題陽  
字者余未得之

一長存四寸二分厚一  
寸三分分書藏子家

永和五年 大吉詳且子孫

此亦丁丑夏自蘇購得者吉祥作詳聲同假借易  
視履考祥釋文本亦作詳大壯不詳也王肅本作  
祥荀子脩身篇則可謂不詳少者注當爲祥成相

篇慎墨百家之說誠不詳注或爲祥孟子申詳禮  
檀弓作祥左氏成十六年傳德刑詳義禮信疏詳  
者祥也古字同耳逸周書皇門篇作威不詳孔注  
善也亦祥之借

一長一尺一寸二分廣五寸二分  
一厚一寸八分篆書反文藏子家

永和六年

在左側

大吉

在上端

富貴

在下端

一長一尺一寸一分廣五寸二分  
分厚二寸正書反文藏子家

永和六年立

宜孫子

在上端

大吉

在下端

和立二字半泐利字缺右刀變文言宜孫子見於  
漢鏡者甚多上二種皆出長沙巖在癸酉

一長存八寸三分厚一寸五分分書在新城楊氏

年大歲庚戌莫龍編侯之墓

右墓在蒼梧縣多賢鄉鳳皇山乾隆庚子山陷有隧道如狹巷居民循之入道盡得堂堂之前有石案案上置銅鏡一銅器一器類盥漱者堂列三門甌封之甌有文云永和六年太歲庚戌莫龍編侯之墓居民知爲古塚遽掩之其鏡與器皆爲人得間有藏其墓甌者甌徑尺許字在其側按漢晉皆有永和之號庚戌則東晉穆帝六年也是時林邑人范文攻日南九真交趾用兵莫氏當以戰功得侯然名字事蹟於史



無所攷龍編漢縣隸交阯郡吳士燮爲交阯太守後  
封龍編侯晉義熙七年杜慧度亦以交州刺史侯龍  
編子宏文襲爵莫氏前後百餘年間封龍編者蓋三  
人矣士氏之先避地交州蒼梧志載士燮墓無莫氏  
墓故人知有士燮而已謝啓昆粵西金石畧

癸酉海琴遊桂林得此斷甄拓以見貽龍編侯莫  
攷其名宋開寶中南丹州莫洪謨表求內附太祖  
給印領州世襲爲刺史其裔莫公晟紹興中曾爲  
廣南經略使至今世司其地洪謨當卽龍編之苗  
裔莫氏雄長一方肇基於晉矣

一長一尺三分寬五寸五分厚一寸九分  
分書反文甄端有篆書二字藏于家

永和七年

在側

長宜

在下端

和旁作日七作𠄎與鮑宅山鳳皇畫象題字同甄  
側年字之下作日月形亦如泉羃又有重量各半  
相背與潘氏甄相似余得此甄七由一七字已泐  
一年字已泐一永和二字均缺左半一斷缺存永  
和七三字一存永和二字不具錄

一  
前同

永和七年

甄端無字與前甄不同餘無少異

一長四寸三分厚  
一寸四分分書

永和八年八月十一日

一長五寸四分厚一寸五分  
分書反文在陽湖呂氏

永和九年七月十

筆勢縱恣

一長一尺一寸六分厚一寸  
四分正書在陽湖呂氏

永和十年太歲在甲□

是年甲寅末一字似鄒

一長一尺一寸七分  
厚一寸四分分書

永和十年太歲在甲寅

一長存下截四寸五分  
厚一寸三分分書

十二年

甄琢爲研左仲明刺史

楨

所藏存十二年三字字

在左側右側有晉永祿甄四分書道光乙巳十月  
次閑所題上端有九龍沙墨妙五篆書署款半龔  
下端亦有題款云道光乙巳小春於白下九龍沙  
土中得此晉甄質文古朴叩之清靜攜歸製硯以  
取沃田之形象云甄文不見建元而趙次閑題爲  
永和必其同出之整甄有永和字可證也錄之

升平甄文

長存四寸九分寬四寸三分五  
行行存五字字徑四分分書

晉升平四年

缺

學博士陳□

缺

鄉周

墟

里同

缺

造潯陽

太守

缺

之字茂長□

缺

甄己殘斷拓本有研君手拓印文內有造字不知  
所造何物或是塔類

一長存四寸四分廣四寸九分  
厚一寸四分正書藏于家

升平五年七月廿

下

甲戌正月呂尚之

懋賞

所贈側紋作泉幕郭內四

出下作直線八柱案升平五年晉穆帝在位之十  
七年是年五月帝已崩於顯陽殿年甫十九皇太

后令以成帝長子嗣統以明年爲隆和元年故七月仍稱升平也

周進甄文

長一尺厚一寸四分  
分書在陽湖呂氏

晉故隆和元年八月十八日鄆縣周邊造

鄆縣晉屬揚州會稽郡今鄆縣地

興甯甄文

長一尺二分厚一寸五分  
分書在陽湖呂氏

興甯二年甲子歲造

泰和甄文四種

一長一尺二分厚一寸三分  
分書在陽湖呂氏

泰和三年八月卅日作

一長五寸六分厚一寸三分  
正書

泰和五年太歲丙午

按晉海西公太和五年歲直庚午此作丙午蓋誤也金章宗泰和五年乙丑後魏孝文帝太和五年辛酉後趙石勒太和五年壬辰吳楊溥太和五年癸巳併無一字相符曹魏明帝亦號太和甄係正書決非三國時物且其五年直辛亥亦非丙午後蜀李勢太和無五年

一長二十八分厚一寸五分  
分字徑六分正書反文

泰和五年

甄製爲硯硯側題字云甬上所出泰和五年甄己  
亥四月吳廷康贈老木記凡二十字蓋藏嘉定瞿  
氏今佚矣案泰和係金章宗年號而甬上非金地  
蓋卽晉之太和也太泰古通錢唐何夢華於皋亭  
山所得毛氏甄及嘉興張兆楠所藏泰和甄字皆  
作泰阮文達定爲晉物又徐氏澄嘗得泰元九年  
甄歷代無以泰元紀年者卽晉之太元可見建號  
亦得用古通字古人初不拘拘也魏明帝北魏孝



文帝後趙石勒吳楊溥皆號太和可決其非

一長存四寸二分  
厚一寸六分

秦和□

太元甄文七種

一長一尺六分厚  
一寸二分正書

太元二年歲在丁丑七月三日立□

一長四寸厚  
一寸分書

晉太元四年

吳縣袁廷禱藏有太元四年甄錢塘何夢華元錫  
所贈云得自皋亭山中佛寺者疑卽此種仁和趙

坦亦藏有太元四年甄下有杜氏立三字

一長一尺廣五寸一分厚  
一寸四分分書藏子家

太元五年八月十九日作者朱稚

在右側

一一在左側

吉

三〇

在上

朱

在下

太書作大左側當是二字以篆文言之則古下字

也上嵩吉下當是古文四字下一字殘泐或釋爲

平非光緒丙子正月廿二日蘇州胥門外十餘里

黃山崩中有隧道既寬且深甄鑄太元年號字余

得此及九年三種耳有題太元七年俞大者有題

太元九年歲在甲〇者皆未之見壙今封閉以土

金石補正卷九

三  
吳興劉氏  
希古樓刊

石填塞之不可得矣黃山舊名牛山俗呼橫山石  
堅而細可作確磨土人於此取材焉

相虎軛三種

一長一尺五寸廣五寸厚一  
寸五分分書反文藏子家

太元九年八月一日作

在右側

相需

在左側

錢十

在下  
端左

行

九字泐末筆伊臣所得錢十二字右行與此微異

一尺寸同前  
藏子家

太元九年八月一日作

與前軛同出一范左側兩端無字爲小異耳孰已  
斷折黏合之仍無損也

一長一尺六分廣四寸八分厚  
一寸五分分書反文藏子家

太元九年八月一日作

在右側

相需

在左側

□年□

在下

崙

下崙字多殘損第一字或釋爲吳未確末一字祇  
存三畫

一長存五寸四分廣四寸  
八分厚一寸四分分書

泰元廿一年八月六日造

缺子孫

軋背席紋中列三泉泉有文存五千大篆書大  
泰同字古無區別

隆安甄文

半截長存四寸廣  
五寸五分分書

隆安元丰

在甄端

背亦作席紋與泰元甄相似有二泉幕四出無文字

楊陽墓碣

高一尺一寸半廣一尺三寸七分七分行  
七字字徑一寸二分分書在歸安姚氏

晉故巴郡察孝騎都尉枳楊府君之神道

君諱陽字世明涪陵太守之曾孫

隆安三年歲在己亥十月十一日立

右碣四川重慶出土姚彥侍觀察得之楊陽枳人

當在今涪州境上涪陵太守侯考

### 章祿甄文

長一尺五分厚

一寸三分分書

元興二年八月□日章祿所造

晉安帝元興改元大亨次年仍稱元興二年漢和帝吳歸命侯亦號元興以制作審之晉物也元字

稍泐

### 建甯太守爨寶子碑

高五尺四寸廣一尺八寸三分十三行行三十字不徑一寸額題晉故振威將軍建甯太守爨府君之墓十五字下方列屬吏姓名十三行行四字俱分書在雲南南甯

君諱寶子字寶子建甯同樂人也君少稟瓌偉之質長  
挺高邁之搆通曠清恪發自天然冰絜蘭靜道□行董  
涓粹之德戎晉歸仁九率唱於名嚮東帛集於閨庭抽  
簪□駕朝野詠歌州主簿治中別駕舉秀才卒郡太守  
甯撫琅庶物物得所春秋廿五寢疾喪官莫不嗟痛人  
百其躬情慟發中相與銘誄休揚令終永穎勿翦其輝  
曰

山嶽吐精海詆階光穆穆君侯震嚮瑯瑯弱冠稱仁詠  
歌朝鄉在陰嘉和處淵流芳宮宇歎刃瀟得其壻馨墮  
風烈耀與雲揚鴻漸羽儀龍騰鳳翔矯翱凌霄將賓乎

王鳴鸞歎闡濯纓滄浪庶民子來繫維同嚮周邊絆馬  
烏能故放位才之緒遂居本邦志鄴方熙道隆黃裳當  
保南岳不騫不崩享年不永一遺始倡如何不弔哉我  
貞良回抱聖姿影命不長自非金石榮枯有常幽潛元  
穹携手顏張至人無想江湖相忘於穆不已肅雍穎相  
永惟平素感慟慟悼林宗沒矣令名遐彰爰銘斯誅庶  
存甘棠嗚呼哀哉

太亨四年歲在乙巳四月上恂立

主簿揚賢

錄事孟慎

西曹陳勃

都督文祀

都

舊董徽

省事陳奴

省事揚賢

書佐李仞

書佐



劉兕

軒吏任井

軒吏毛祀

小吏揚利

威儀王

碑在郡南七十里揚旗田乾隆戊戌已出土新通志  
載而不詳近重脩南甯縣志搜輯金石遺文始獲焉  
遂移置城中武侯祠孝晉安帝元興元年壬寅改元  
大亨次年仍稱元興二年乙巳改義熙碑稱大亨四  
年殆不知大亨年號未行故仍遵用之耳僅依阮文  
達師見爨龍顏碑訂爲滇中第一石此碑先出數十  
年而不爲師所見惜哉抑物之顯晦固有時歟晉碑  
存世者已鮮茲則字畫尤完好願與邑之人共寶貴

之咸豐二年秋七月金陵鄧爾恒識

据補訪碑錄所載碑尙有陰碑尾鄧跋顧氏謂在  
碑側俱非所謂碑陰者卽下方屬吏姓氏也碑書  
皋作罕顯作顥振響作震嚮仞作刃陰作陰隨作  
隨散作故業作鄴蠟作濺遐作邀旬作恂董作童  
幹作軒冰絜前靜箇卽蘭也海詭階光詭階誤例  
階卽渚字九罕唱於名嚮繫維同嚮以嚮爲鄉言  
其爲本郡太守也餘不具舉

義熙甄文

長一尺厚一寸二分  
正書在陽湖呂氏

義熙三年七月廿日

下

中書賈夜字闕

高九寸五分廣一尺九寸五分二行行存三字字徑四寸五分書後跋五行行存字不等字徑七分正書在梓

到中書六公出

缺

十六國春秋云賈夜字

闕

李雄聞其名拜行西將

缺

部尙書墓在縣東

缺

路東皇宋軋道六

缺

□□□

□刷尙□

缺

右賈夜字闕在梓潼石已斷缺後有宋人題字亦復不全所述十六國春秋語今本無之李雄僭卽

帝位改元晏平在晉光熙元年建國曰大成

華陽國志

作國號太武晉載

後改號漢而此刻首題曰蜀其

記作改年曰太武在成李滅凶後邪或卽宋人所題補訪碑錄附東  
晉末從之

八瓊室金石補正卷九終